

Naqqiut 3

Naqqiut 16. september 2019-imeersoq taarserpaa.
(Inatsisip kalaallisut oqaasertaani § 36, imm. 5-imi oqaatsip “angajoqqaatut oqartussaataasooq”-p oqaatsitigut erseqqissaavigineqarnera nutaaq)

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inatsisartut inatsisaata kalaallisuuata danskisuuata imminnut naapertuutinnginnerat paasineqarsimanera tunuliaqutaralugu, Isumaginninnermik suliassaqaarfimmi pissaanermik atuineq pillugu Inatsisartut inatsisaannut nr. 1, 21. november 2013-meersumut allannguutissatut siunnersuut saqqummiunneqarpoq.

Inatsisartut inatsisaanni § 20, imm. 1-ip, § 31, imm 4-p aamma § 36, imm. 5-ip kalaallisuuata danskisuuata naapertuutilernissaat siunnersuummi siunertarinqarpoq. Inatsisip kalaallisuuani § 20-imi imm. 1-imi allassimasooq ”matumani ilanngullugit pinerluttulerinermi inatsimmi kapitali 2 malillugu illersuisariaqalernermi aamma ajornartuulernermi pisinnaatitaanermi” ilanngunneqarsimanngilaq. Kalaallisuuani § 31, imm. 4-mi oqaasertaliussat “matuni silarlarni” aamma “piffissami killilikkami” ilanngunneqarsimanngillat.

Kalaallisuuani pissaanermik atuinerit sorliit nalunaaquttap akunneri 24-t qaangiutsinnagit nalunaaruteqartarnermut immersugassamut nalunaarsorneqartarnissaat, aamma matunik ammaassutit immikkut ittut killilimmik atortarneqartarnissaat siunnersuummi erseqqissarneqarput.

Siunnersuummi aammattaaq kalaallisoortaani § 36, imm. 5-mi oqaatsitigut naqqiisoqarpoq, tassani oqaaseq “angajoqqaatut oqartussaasooq” “nakkutilliisooq”-mik taarserneqarluni.

§ 20, imm. 1-ip aamma § 31, imm. 4-p danskisuuani oqaasilerinermut tunngasutigut ataasiakkaanik naqqiissuteqartoqarsimavoq, taakkuali Isumaginninnermik suliassaqaarfimmi pissaanermik atuineq pillugu Inatsisartut inatsisaata nr. 1, 21. november 2013-meersup danskisuuani imarisanik allannguinnngillat.

2. Siunnersuummi immikkoortut pingaarnertit

Siunnersuutitigut kalaallisuuani erseqqissarneqarpoq, ulloq unnuarlu paaqqinniffinni, matumani ilanngullugit ulloq unnuarlu paaqqinniffinni isumannaallisakkani § 5 naapertorlugu, matumani ilanngullugit pinerluttulerinermi inatsimmi kapitali 2 malillugu illersuisariaqalernermi aamma ajornartuulernermi pisinnaatitaanermi timikkut pissaanermik atuinermi, ulloq unnuarlu paaqqinniffiup pisortaata taassumaluunniit sinniisuata paasissutissat tamatumunnga tunngasut nalunaaruteqarnermut immersugassamut nalunaaquttap akunneri 24-t qaangiutsinnagit nalunaarsussagai.

Tamatuma saniatigut matunik silarlernik ammaassutit immikkut ittut piffissami killilikkami atorneqartarnissaat kalaallisuuani erseqqissarneqarpoq.

Naggataagut kalaallisoortani § 36, imm. 5-imi taaguut “nakkutilliisoq” siunnersuutip kalaallisoortani erseqqissaavigineqarpoq.

Inatsisissatut siunnersuutip inatsimmut atuuttumut sanilliunneqarnera	
<i>Oqaasertaliineq atuuttoq</i>	<i>Inatsisissatut siunnersuut</i>
	§ 1
	Isumaginninnermik suliasaqarfimmi pissaanermik atuneq pillugu Inatsisartut inatsisaanni nr. 1, 21. novembari 2013-meersumi, Inatsisartut inatsisaatigut nr. 38, 23. novembari 2017-imeersukkut aamma Inatsisartut inatsisaatigut nr. 47, 23. novembari 2017-imeersukkut allannguuteqartoq, imaattunik allannguisoqarpoq:
<p>§ 20. Ulloq unnuarlu paaqqinniffinni, aamma ulloq unnuarlu paaqqinniffinni isumannaallisakkani § 5 naapertorlugu timikkut pissaanermik atuinermi, ulloq unnuarlu paaqqinniffiup pisortaata taassumaluunniit tullersortaata paasissutissat tulliuuttut nalunaaruteqarnermut immersugassamut siunertamut tamatumunnga suliarineqartumut nalunaaquttap akunneri 24-t qaangiutsinnagit nalunaarsussavai:</p> <ol style="list-style-type: none"> 1) meeqqap aqqi qassinillu ukioqarnera, 2) akuliunnermi piffissap qanoq ilinera, 3) akuliunnerup qanoq sivisutigina, 	<p>1. § 20, imm. 1, imatut oqaasertalerneqassaaq: ”Ulloq unnuarlu paaqqinniffinni, matumani ilanngullugit paaqqinniffiit isumannaallisakkat, § 5 malillugu timikkut pissaanermik atuinermi, matumani ilanngullugit pinerluttulerinermi inatsimmi kapitali 2 malillugu allatut ajornartumik illersuisariaqalernermi aamma ajornartuulernermi pisinnaatitaanermi ulloq unnuarlu paaqqinniffiup pisortaata taassumaluunniit sinniisuata paasissutissat tulliuuttut nalunaaruteqarnermut immersugassamut siunertamut</p>

<p>4) akuliunnerup qanoq ittuunera, aamma 5) akuliunnermut tunngavilersuutit.</p>	<p>tamatumunnga suliarineqartumut nalunaaquttap akunneri 24-t qaangiutsinnagit nalunaarsussavai: 1) meeqqap aqqa qassinillu ukioqarnera, 2) akuliunnermi piffissap qanoq ilinera, 3) akuliunnerup qanoq sivisutiginera, 4) akuliunnerup qanoq ittuunera, aamma 5) akuliunnermut tunngavilersuutit."</p>
<p>§ 31. <i>Imm. 4.</i> Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaassutit immikkut ittut inummut ataatsimut arlaqartunulluunniit atorsinnaagai kommunalbestyrelsi aalajangiisinnaavoq, imaappat 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoqusernissamut imminut allanilluunniit ulorianartorsiortitsilernissaa aarlerinaateqarpat, aamma 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna pisariaqarlunnartippassuk, aamma 3) inatsimmi periarfissat sinneri kinguneqanngitsumik atorneqareersimappata.</p>	<p>2. § 31, imm. 4, imatut oqaasertalerneqassaaq: " <i>Imm. 4.</i> Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaassutit immikkut ittut inuup ataatsip arlallilluunniit atorsinnaagai kommunalbestyrelse aalajangiisinnaavoq, imaappat: 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoqusernissamut imminut allanilluunniit ulorianartorsiortitsilernissaa aarlerinaateqarpat, 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna pisariaqartillunnarpassuk, aamma 3) Inatsisartut inatsisaanni periarfissat sinneri kinguneqanngitsumik atorneqareersimappata."</p>
<p>§ 36. <i>Stk. 5.</i> Imm. 2 naapertorlugu kommunalbestyrelsip aalajangiinera Isumaginninnermi Naammagittaalliuteqartarfimmut naammagittaalliutigineqarsinnaavoq. Kommunalbestyrelsip aalajangernerangajoqqaatut oqartussaasumit kredsrettip</p>	<p>3. § 36, imm. 5 ima oqaasertalerneqassaaq: " <i>Imm. 5.</i> Imm. 2 naapertorlugu kommunalbestyrelsip aalajangiinera Isumaginninnermi Naammagittaalliuteqartarfimmut naammagittaalliutigineqarsinnaavoq. § 42, imm. 4 malillugu kommunalbestyrelsip aalajangernerangajoqqaatut oqartussaasumit kredsrettip</p>

ivertitaanit, tak. § 42, imm. 4, isumaqatigineqanngippat, pineqartup imm. 2 naapertorlugu najugaqarfissatut neqerorummut aalajangersimasumut tigutinnissaa nuunnissaaluunniit aalajangiiffigeqqullugu kommunalbestyrelsip Ilaqutariinnermut Naalackersuisumut inassutigissavaa.	kredsrettip ivertitaanit nakkutilliisumit isumaqatigineqanngippat, pineqartup imm. 2 naapertorlugu najugaqarfissatut neqerorummut aalajangersimasumut tigutinnissaa nuunnissaaluunniit aalajangiiffigeqqullugu kommunalbestyrelsip Ilaqutariinnermut Naalackersuisumut inassutigissavaa. “
	<p style="text-align: center;">§ 2</p> <p>Inatsisartut inatsisaat ulloq 1. januaari 2020- mi atuutilissaaq.</p>

3. Pisortanut aningaasaqarnikkut allaffissornikkullu kingunerisassat

Siunnersuut pisortanut aningaasaqarnikkut allaffissornikkulluunniit kinguneqassanngilaq.

4. Inuusutissarsiortunut aningaasaqarnikkut allaffissornikkullu kingunerisassat

Siunnersuut inuusutissarsiortunut aningaasaqarnikkut allaffissornikkulluunniit kinguneqassanngilaq.

5. Avatangiisinut, pinngortitamut inuiaallu peqqissusaannut kingunerisassat

Siunnersuut avatangiisinut, pinngortitamut imaluunniit inuiaat peqqissusaannut kinguneqassanngilaq.

6. Innuttaasunut kingunerisassat

Aalajangersakkani oqaasertaliussat kalaallisuani qallunaatuuanilu siunnersuutikkut naapertuuttunngortinneqarput, innuttaasullu inatsisitigut illersorneqarneranut ilapittuutaalluni.

7. Kingunerisassat annertuut allat

Siunnersuut annertuunik allanik kinguneqassanngilaq.

8. Tusarniaaneq

Siunnersuut oqaatsitigut naqqiissutinik taamaallaat imaqarnera pissutigalugu tusarniaaffigineqartunut toqqaannartumik nassiunneqarsimanngilaq.

Siunnersuummi § 20, imm. 1 aamma § 31, imm. 4 piffissami 22. marsi 2019-imiit 23. aprili 2019-imut www.naalackersuisut.gl -imi Naalackersuisut tusarniaarnermut nittartagaat

aqqutigalugu tamanut saqqummiunneqarnikuvoq. § 36, imm. 5-imik allanngineq tusarniutigineqanngilaq.

Tusarniaanermi akissutit tamakkiisumik issuarneqarput, naalackersuisoqarfiullu oqaaseqaataat uingasunik allanneqarlutik.

Kommune Kujalleq

§ 20, imm. 1-ip aamma § 31, imm. 4-p kalaallisuuata danskisuuatalu imminnut naapertuutilernissaat soorunami kommunip qilanaarutigaa.

Taamaattorli aasiit kalaallisuuani oqaatsit kukkunertallit iluarsiniarneqarmata, kommune isumaqarpoq ajuusaarnartuusoq, tassami siullermik Inatsisartut inatsisaanni nr. 38-mi, 23. november 2017-imeersumi § 13, imm. 1-imi inatsisip kalaallisut oqaasertaani erseqqissaateqartoqarsimammat.

Siunnersuummut kommune allanik oqaaseqaatissaqanngilaq.

Nassuiaatit tusaatissatut tiguneqarput, siunnersuummili allannguuteqarnissamut pissutissaqalersitsinngillat.

Aalajangersakkanut ataasiakkaanut siunnersuummut oqaaseqaatit*§ 1-imut*

Nr. 1-imut

Isumaginninnermik suliassaqarfimmi pissaanermik atuneq pillugu Inatsisartut inatsisaanni § 31, imm. 4-p kalaallisuuani oqaasertai naqqinneqarput, taamaalillutik kalaallisuaa danskisuuvalu naapertuutilerlutik.

Siunnersuut inatsisip siunertaa malillugu aalajangersakkap oqaasertaanik naapertuuttunngortitsissaaq, aamma innuttaasup inatsisitigut illersorneqarneranut ilapittuutaassalluni. Inatsisip kalaallisuuani ulloq unnuarlu pinerluttulerinnermut inatsimmi kapitali 2 malillugu illersuisariaqalernerme aamma ajornartuulernerme pisinnaatitaanermi timikkut pissaanermik atuinerit nalunaarsorneqarnissaannik erseqqissaanikkut, timikkut pissaanermik atuinerit taama ittut kommunimut sumiiffigisamut, kommunimut angerlarsimaffigisamut, Naalackersuisunut kiisalu, meeqqat taamaattoqarpata, meeqqat illersuisuannut aamma nalunaarutigineqartarnissaat qulakkeerneqassapput.

Nr. 2-mut

Isumaginninnermik suliassaqarfimmi pissaanermik atuneq pillugu Inatsisartut inatsisaanni § 31, imm. 4-p kalaallisuuani oqaasertai naqqinneqarput, taamaalillutik kalaallisuaa danskisuuvalu naapertuutilerlutik.

Siunnersuut inatsisip siunertaa malillugu aalajangersakkap oqaasertaanik naapertuuttunngortitsissaaq, aamma innuttaasup inatsisitigut illersorneqarneranut ilapittuutaassalluni. Inatsisip kalaallisuuani aalajangersagaq malillugu matunik silarlernik ammaassutit immikkut ittut, piffissami killilikkami taamaallaat atorneqarsinnaasut siunnersuummi erseqqissarneqarpoq.

Nr. 3-mut

§ 36, imm. 5-imi kalaallisut oqaasertaliussat naqqinneqarput, taamaalillutik kalaallisoortani aalajangersakkanut allanut naapertuuttunngorlugit, soorlu aamma kalaallisoortaa qallunaatoortaa imminnut naapertuutilersut.

Inatsisartut inatsisaata aallaqqaammut siunertaanut siunnersuutip aalajangersagaq naapertuuttunngortippaa, innuttaasullu inatsisitigut illersorneqarneranut ilapittuutaalluni. Kalaallisuuani “angajoqqaatut oqartussaasoq” “nakkutilliisoq”-mik taarserneqarpoq, taamaalilluni inissatut neqeroorummi aalajangersimasumi inissinneqarnissamut kommunalbestyrelsip aalajangiinera pillugu, aalajangiinerup Isumaginninnermi Naammagittaalliuuteqartarfimmut naammagittaalliuutigineqarsinnaaneranut imaluunniit inissatut neqeroorummut aalajangersimasumut inissinneqarnissaq nuunneqarnissarluunniit

pillugit kommunalbestyrelse Ilaqutariinnut Naalakkersuisoq aalajangeqqullugu
innersuussissanersoq pillugu, nakkutilliisussanngortitaasup naliliinera aalajangiisuusaaq.

§ 2-imut

Inatsisartut inatsisaat ullormi 1. januaari 2020-mi atuutilissasoq siunnersuutigineqarpoq.